

Esperanto - Rok - Fangazeto

ROK GAZET'


NUMERO 0

Aprilo-Majo-Junio 1990

**INFORMOJ
INTERVJUOJ
NOVAĴOJ**

**KONCERTOJ-FESTIVALOJ
TEKSTOJ**

ESPERANTO-ROK-RETO



ROK-GAZET'

ROK-GAZET'

Administratation-rédaction/
Administraturo-redaktejo
Rok-Gazet' c/o EUROKKA

F-31450 Donnevill

Tel (33) 61-81-95-65

Directeur de publication/
Eldon-direktoro

Floréal Martorell

Rédaction/Redakcio

Rédacteur en chef/
Ĉefredaktoro

Aline Boulet

Comité de rédaction/
Redaktora stabo

Bertil Henningsen

Bertrand Albault

Nikke Englund

Andrzej Bródka

Dimitrij Lissenko

Collaborateurs/
Kunlaborantoj

Artur Leśniewicz

Jurij Gynikov

Oleg Pavlov

Anna Rittmaki

*adresses dans ces pages/
*adreso en tiuj-ĉi paĝoj

Dessins/Desegnaĵoj

Cruella deVille

Jola Azna

Photographies/Fotoj

Floréal Martorell

Sylvie Baudin

Imprimerie/Presejo

IMP 2 rue du marché

81700 PuyLaurens

Distribution/Distribuo

Associations espérantistes

Esperantistaj organizaĵoj

Pays de l'Est/Orientaj landoj

Josef Sušik

Praga 9

CS-70200 Ostrava 1

Dépôt légal à parution

Commission paritaire en cours

Édité par/Eldonas

EUROKKA Esperanto-Rok-Asocio

EUROKKA skipo 90

Estraro

Brigitte Hénin Honorprezidantino

Bertrand Albault Prezidanto

Jean-Marc Leclercq Vico-prezidanto

Jean Garcia Sekretario

Roch Jullien Kasisto

Administrantoj

Roger Dine

Mireille Segonne

Aline Boulet

Marie-Christine Lesage

Michel Collobert

Respondeculo

Floréal Martorell

Antaŭ viaj okuloj kuŝas
LA fangazeto en Esperanto.
Eble la plej malkutima
aĵo ekzistanta en la
rokmuzika medio.

Ĝi estas por vi malfer-
mita, se vi muzikas,
se por vi spekti koncerton
estas kiel drogo, se vi
demandas vin kiel diablo
eblas kanti rokan diablan
muzikaĉon en tiu fuŝ-
diabla lingvaĵo !

Cetere, ni ne parolas
nur pri rokmuziko espe-
rantista, sed pri ĉio
muzika, ne nur roka,
ne nepre esperantista.

Nia espero: ke tiu-ĉi
leĝaĵo informu unue;
ŝoku due (laŭsenso de
elektra ŝoko), estu
ligilo inter la rokmuziko-
amantoj. Ke ĝi plaĉu
aŭ ne-plaĉu tio ne tro
gravas.

Ĉiukaze VI FARAS ĝin.
La plej granda parto
de la informoj estas
eliritaj de la multaj
leteroj, kiujn ricevis
EUROKKA.

En la ROK-GAZET' kuŝas
adresoj, ili estas la
rokmuzika reto, kiun
Eurokka celas starigi.
Alskribu unu la aliajn,
interŝanĝu kasedojn kaj
diskojn...

La venonta nas-
kigos, iam tiam...ĝis
kiam vi sendu pli da
materialo kaj faru pro-
ponojn.

Nu, sufiĉe da antaŭpa-
rolo, iom da interesoĵoj.

ABONU

ROK-GAZET'-n

En ĝi ĉion pri
Esperanto-Rokmuziko

4 numeroj jare

Jara abonkotizo
100FF aŭ 32 IRK
(Internaciaj Respond-
Kuponoj)

ABONKUPONO

Asocio:.....

P.Nomo:.....

F.Nomo:.....

Adreso:.....

.....

.....

Tel:.....

☐ Mi sendas ĉekon aŭ
Poŝtmandaton al
EUROKKA.

☐ Mi ĝiras 100FF al
poŝt-konto de la banko
de EUROKKA
CCP N° 274809
CCM Toulouse ST Agne
34 avenue de l'URSS
31400 Toulouse
en nia konto:
B15999 G2206
N°C40247960 C1 10

☐ Mi sendas 32 IRK al:
EUROKKA-Rok-Gazet'
Esperanto-Rok-Asocio
F-31450 Donnevill
Francio.

ENHAŬO

Hej uloj!	3
Tutmonde kaj tre persone	4
Malrokmuziko	9
Afriko	10
Nikke	12
Diskoj, kasedoj kaj eldonaĵoj	14
Serioze	16
Tute ne gravas	18
Koncertoj, Festivaloj kaj kunvenoj	20
Teksto kaj muzik'	22
Rokmuzika reto	23

HEJ ULOJ !

Bedaŭrinde la Ea rokmuziko tre suferas la malharmonion, kiu regas inter valutaj kaj ne-valutaj ekonomioj.

Name, la rokgrupoj kiuj produktas per propra mono kasedon/diskon, ne havas iun ajn rimedon por samtempe rehavi siajn kostojn kaj povi disvendi en la sen-devizaj regionoj; aliflanke la junaj ŝatantoj de tiu muziko, kiuj certe ne povas aĉeti tiajn varojn per devizoj (krom kelkaj esceptoj raraj), devas kontentiĝi per malbankvalitaj kopioj en la plej banŝanca kazo, per nenio ofte.

Organizo de koncertoj ankaŭ starigas aĉajn demandojn: Kiel permesi al neriĉaj grupoj koncerti, dum la asocioj plejmulte (krom 1-2 esceptegoj) estas sen-monaj ?????

Floreale kaj Andrzej (Broda) jam multe perletere debatis pri tio. La grupanoj interalie de Amplifiki kaj de Persone ege cerbumis pri tiaj aferoj, sed la solvoj certe bezonas kuraĝon kaj ĉefe, imagkapablon.

La debato estas malfemita! Ni esperas fari dosieron tre kompletan kaj pozitivan pri ĉiuj solvoj en la venonta numero. Gis tiam kontaktu nin!

Sed jam, du hanoj konkrete (inter aliaj kompreneble) agas por disvastigo, ĉefe laŭ interŝanĝoj.

La unua estas Johann Pachter, kiu bonege konas Pollandon, kaj kiu estras sian libroservon. Li disvendas rokkasedojn, kaj ĉe orientlandaj asocioj li interŝanĝas ilin kontraŭ Eaj varoj, zorgante pri egalvaloro ambaŭflanke.

Ĉe la Eurakka flanko, unuaj provoj klapodas okazi; eblus interŝanĝi Eajn roksurbendigojn, aŭ Eajn kaj ne-Eajn...ĉio eblas.

Vi skribu aŭ telefonu se vi havas ideojn!

(nur memoru ke estas malfacile vendi entute!).

Johann Andreas PACHTER
Dipl.-Forsting. (FHW)
Zum Kreutle 8
D-7480 SIGMARINGEN-Jungau
Tel. (0) 7577 - 3449



TUTMONDE KAJ TRE PERSONE

Ankie v.d. Meer, de la grupo KAJTO:
"...fari muzikon en Esperanto, ĉar estas tre belsona lingvo kaj oni ne estas ligita al certa muzik-stilo.
La ideo ke Zamenhof eltrovis ĉi-tiun lingvon por inter alie krei lingvan egalecon inter la diversaj popoloj inspiras min."



Kajto: Ankie Van der Meer
Oudeweg 97
NL-9201 EK Drachten (FR.)
Nederlando.
Tel: 31/51-20-30-048.

Aleks Melnikov iam dum sia ĉeesto en Parizo, parolis pri soveta grupo kiu nomiĝas Kreda. Li eĉ posedis kasedon kiun ni rajtis aŭskulti, sed tute ne kopii (eĉ ne por Flo kaj Eurokka).
Malgraŭ la sekreteco kaj mallonga aŭdado, aspektis la muziko sufiĉe bona. Kelkaj pecoj ja ŝajne estas tre bonaj, sed ne eblis vere scii pro la mall-bona kvalito de la kasedo.
Unuvorte, ni scivolemas.



Roman Bura iom post iom revelacias en la Ea kanzono. 24-jaraĝa kanzonisto el vilaĝo oroksima el Bjalistoko, li amas ĝisoste Eon, kaj simple muzikon, sed samtempe montras malfidon al certaj moviĝoj en la movado.
Roman kantas Zaza-n (Ludoviko L.Z.) kun admiro sed samtempe plendas ke li prenis lin en tia senespera afero, en mondo kie tiom mankas amo kaj libereco.

Ili skribis pri iu eldonata kasedo de ili, de tiam; kaj pri tio ke ili volonte ludus dum renkontiĝo...

La estro nomiĝas Oleg Svirskij, lia adreso ĵenas:
SU-152930, USSR
Ribinsk Revolucii 2-12
O.A.Svirskij.

Jolo
PS: Roman, vi devus surbendigi en Pollando kasedon kun viaj novaj kantaĵoj, pli bonkvalite ol la unua, kaj kial vi tiom malofte koncertas? Mankas vi!
Roman Bura
ul. Krochmalna 3/119
PL-00-864 Warszawa

Mondano en Rio
Aaron fondis la esperantlingvan popgrupon "La Mondanoj" kiu koncertis en pluraj kongresoj kaj festivaloj.
Li dum sia finstudado pasigis unu jaron en Rio de Janeiro.
Sed dum iuj stulte brazilumus nenion farante sub la suno, Aaron havis intereson pri la brazila muziko.
Kia bonŝanco!
Per Ĝo li renkontis Flavio Fonseca, spertulo en tiu kampo, kiu mem estis siatempe farinta Ean diskon.

Aaron skribis versiojn de siaj plej ŝatataj kantoj kaj proponis surbendigi kun ili.
Flavio zorgis pri la aranĝoj kaj muzika direktado.
La rezulto estas tute profesia kaj plaĉa.
Instrumentoj varias de gitaro, saksofono al ĵazpiano tra brazilaj drumoj, kun la specifa voĉo de Aaron, kiu tute nature akordiĝas kun tia muzik-stilo.

Parolante pri "L. M." onidire, ili preparas sian grandan revenon sur la Eaj scenejoj, eble kun novaj kunludantoj. Sekvo en la venonta numero!

Adreso de Aaron:
Aaron/AHOI
Burgemeisterstr.2
1000 Berlin 42
Germanio



T.B.C!

Ne eblas ne vidi tiun grupon dum koncerto. La vortoj mankas por priskribi la impreson, kiam Huŝi aperas kun la malgrandeta gitareto sur la ventro, kaj kantas akre pri gejoj kaj vivkondiĉoj en Hungario.

Malantaŭ li, konserv-ladskatoloj kiuj konsistigas la drumon, en angulo knabineto serioze kantante maldecegaĵojn, ne, ne eblas rakonti. Ili eĉ produktis kasedon sed ĝi valoras plej se oni dum aŭskultado povas memori ilian troigeman fantazion dumkoncertan.

Elstare ludas Balaĵ, per la plej neoftaj iloj, kaj daŭre Huŝi en la mezo mimante la vortojn de kanzonoj, por la surduloj en la publiko. Invitu ilin! Ne estas certe ke vi ne bedaŭros, ĉar ili ne estas montrebaj al ĉiuj maljunaj klubanoj en via urbo. Sed almenaŭ vi amuziĝos.

Kontaktu la kantistinojn;
Adrienn Wospil
Klapka u 5/A 3300 Eger
Hungario

"La bleka Forfikulo kaj siaj Ŝrelboristoj". (ekzistas ŝajne 2 Ŝrelboristoj, sed neniu vidis ankoraŭ la grupon). Foje dumnokte iu metas kasedon en la leteraskatolo de Floreagl en la radiostacio. Ĝi enhavas kantojn de la plej sekreta grupo Ea. Ili foje ŝokas, foje obtuzas, foje tute ne kompreneblas kaj foje oni duonmortas pro rido. Vi simple opiniu mem. Rok-Gazet' donas al vi ekzempleron de la tre, tre specifa gusto kaj stilo de la grupo. -Ilia muziko estas AKRA!-

Versaĵo en formo de respondo al la homo, kiu proponis sian "Esperanto Moderna" sen scii kiaj postsekvoj okazos. Jen.

Al HDWG

Ho DO DU VO GO
Mi bugras vin
Hidulo Moderna
Mi forfikas vin.

HO DO DU VO GO
Abomeninda Ĉarlato
Hidulo Moderna
Mi forfikas vin.

HO DO DU VO GO
Ne plu fingrumu
Figalimatiaĉon,
Eĉ damnulojn ĝi naŭzigas!

HO DO DU VO GO
Bugriĝu inferen!
Al diablo donu
Gonokokojn kaj aidoson!

HO DO DU VO GO
Se devus ekparoliĝi
Via fimodernaĵo
Mi preferus la anglan!

...daŭriĝas teksto...

En iu en la venontaj numeroj ni faros pli kompletan prezenton de tiu grupo. Interalie, ili projektas produkti diskon, kiu nomiĝos "Rajdante Harley".



Eduardo Vargas estas ĉefe komponisto. Li kreas muzikon pere de sintesiloj, sub influo de la nuntempa klasika muziko kaj de la nuntempa rokmuziko. Samtempe jes. La rezulto estas tre originala, kaj laŭ ni tre subteninda.

Krom kelkaj malgravaj teknikaj problemoj, li ĉefe suferas pro manko da kontaktoj kun aliaj Eaj muzikistoj. Do, oni povas senti tion en liaj tekstoj; li bezonus iun kiu povus aŭskulti kasedon kaj konsili pri rimado, versado...

Laste li finis surbendigi kantojn sur kasedoj, kiun li prezentis jam dum renkontiĝo. Ĉajne ĝi iel akireblas?!

Krom tio, li sentas sin kiel pioniro de Eo kiel muzikisto en Malago, malgraŭ primokoj de kelkaj anglemuzikantaj uloj kiuj (ankoraŭ ne) vidas intereson muziki en nia lingveto.

Do tamen, li aranĝas (is?) spektaklon kun baletoj, kun lia muziko.

Lia kontaktadreso:
Eduardo Vargas
Ayala 5 4^oD
29003 Malaga Hispanio

Franĉjo
 ne nur desegnas -eble
 li donacu al Rok-Gazet,
 kelkajn grafikojn,
 oni tre dankemus, ho
 jes!-, ne nur parolas
 en la loka radio stacio
 sed!
 Li studadis pianon dum
 dek longaj jaroj en la
 muziklernejo.
 Espereble li trovas
 aliajn muzikludantojn
 kaj eĉ aperos nova
 rok-muzikensemblo.
 Francisco Luis Veuthey
 Neaŭen 848
 RA-3530 Quitilipi (Cho.)
 Argentino
 Estas 23. De 12 jaroj
 muzikas (ludas pianon
 kaj orgenon).
 Multe ludas, en grupo
 "JOI-WU-BAND" -Tiu-ĉi
 bando ludas blus' kaj
 kantri-muzikon.
 En la angla ĉio, eĉ la
 propraj komponaĵoj.
 Sed Robert foje iamete
 kantas Ee, bedaurante
 ke li havas problemetojn
 kun la verkado de teks-
 toj.
 Ĉiam kio povus helpi lin
 en tio vi donu al li,
 se vi povas.
 Li ŝatus ricevi son-
 benojn, notajn, revuojn
 kaj Eo-kantojn kun notoj
 kaj tekstoj.
 Li volonte
 redonus per kasedoj,
 diskoj ktp...
 Robert Piotrowski
 ul. Lipowka 17
 18-423 Waj Kamza
 Prytuły Pollando
 Leo Kolesnikow
 diras pri tiu aĉa
 problemo, ke en Sovetio
 esperantistoj ne ĉiam
 povas ludi pro manko
 de instrumentoj.
 Li mem ludas gitaron,
 sed estas drumon, kio
 ne estas produktata
 en Sovetunio, do eblas
 nur akiri usonan aŭ
 japanan, kaj oni ja
 imagas ke tio multege
 kostas.
 Cetere, oni organizas
 en Moskvo Ean Muzik-
 Video-centron, kaj li
 bonvenigas ĉiujn tie.
 Leonid Kolesnikov
 "gagarina" 65-1
 SU-293720 Drogobic
 Ukrainio USSR

Mistero, mistero!
La grupo Persone, nun
triopo, ne diras tre
multe pri si mem.
Mi insistas. Estu en
la dua numero de tiu-ĉi
fangazeto detaĵaj infor-
moj, minaco validas
por ĉi kaj la aliaj
mondanoj.

Persone: Börje Lund
ĉrsta, Lid
S-611 91 Nyköping
Svedio.

Alia mistero ĉirkaŭ la
Japana rok-bando
"La Mevoj". Iam oni
ricevis provkasedon, kaj
de tiam eĉ ne unu noton.
Se iu en Japanio ion
scias pri ili, tiu ja
avertu kaj nin, kaj ilin.
Estas tro malmulte da Eaj
rokgrupoj por perdi eĉ
unu debutantan.



Si nomiĝas Christine
kaj ludas drumon.
Treege ŝi deziras ludi en
grupo kaj lerni Eon.
Krom tiu knabino, alia
(amikino de ŝi) kiu
klavarumas kaj kantas
same aliĝus al tiaspeca
ideo.

Ili preferas "progresivan"
rokmuzikon (pardonu la
neologismojn!! Bertilo
helpon!). Diable, kio
estas "progresiva" roko?
Io kiel la muzikstilo de
Peter Gabriel se iuj
imagas kia stilo povas
esti. Prefere skribu rekte
al Christine por akiri
priskribon.
Christine Puig
19 rue Offenbach
31500 Toulouse FR.

Lastminute-Lastminute-Lastminute.....

GVIDLIBRO PRI MUZIK-TERMINOJ EN ESPERANTO

Andreo Marshall petas la proponon de inkluzivotaj terminoj en la
formo de citaĵoj kiuj nepre montru la uz-manieron, aŭ per difino
en Esperanto (ne en nacia lingvo) aŭ per uzo en frazo.
Muzikaj citaĵoj ankaŭ bonvenas.
Proponojn oni sendu al Andreo Marshall, 42 High St. Waltham,
GRIMSBY, S. Humb., DN37 0PL, Anglio.

Pri Alex Mas eblas diri ke, unue rimarkeblas lia desegno. La desegno kun subskribo "Cruella de Ville" kiuj abundas sur tiuj-ĉi pagoj estas liaj. Li laste faris kovraĵon por la disketo de

Amplifiki/Rozmariaj Beboj. Ĝi cetero similegas al la kovraĵo de la gazeto. Imagu ke, li estas tutkompleta rokbando, li kiel unuopulo. Efektive, lia loĝejo estas laboratorio kun pluraj muzikiloj, kiujn li ĉiujn ludas.

Kaj finfine, li promesis veni al la ĝenerala asembleo de Eurokka. Eble unu el la venontaj sukcesuloj!
Kontaktadreso
Alex Mas
20 rue Bénard 75014 Paris
Francio



Jen pri Jurij Mylnikov. Li muzikas kun 2 lokaj grupoj, kaj rilatas cetero kun la revueto SeverOK, kiu aperigas pri Rokmuziko, kies gvidanto lertas kaj spertas en koncert-arganĝoj (sonas tre interese, ĉu ne?)

Unu el tiuj du grupoj estas el lia urbeto Kotlas. Ĝi estas nova, konsistas el profesiaj muzikistoj kaj eĉ, konsentas esti pure Ed!

Pri la grupanoj;

Jurij Mylnikov: komponado, versado, kanto kaj managerado

Vitalij Arŝinov:
Komponado, kanto

Aleksej Kovkov: klavaro

Jurij Nastenkov: saksofono, harmoniko

Aleksandr Kovkov:
bas-gitaro

Aleksej Maŝin: gitaro

Aleksandr Anikin: drumo

La bando nomiĝas "insulo de Mihej" (Mihejkov ostrov).

Adreso de la bando estas:
Jurij Mylnikov
st. ĉernyševskogo 16-3
u. Kotlas-11
reg Arĥangelskaja 165411
USSR

MALROKMUZIKO

Li ludas klarineton
en la armea fanfaro de
Ĉinio, kaj membras en
la Pekina muzikista Eo-
asocio.

Lia nomo estas Cheng
Yonghua.


Li havas kontaktojn
kun unuopaj muzikistoj
eksterlandaj, sed ne
jam kontaktis grupon
(ĉu Eurokka estas
"grupo"?).

Anonceto, nuntempe li
bezonas anĉojn por
klarineto.

Eble iu povas helpi
al li.

Cetere, li pensas ke
estus bona ideo ke iuj
vizitu Ĉinion por fari
rok- aŭ jazkoncerton.
Kiu havos la ŝancon?

Cheng Yong Hua
P.O. Box 2421-3
100081 Beijing
Ĉinio.



Jam de ses jaroj agas grupo
da muzikemaj knabinoj en-
kadre de la kantensemblo
Espero.

La membrinoj de la ensemblo
partoprenis multajn aranĝojn
en- kaj ekster-lande inkluzive
de la Artaj Konfrontoj
en Esperanto.

Espero gajnis trifoje la
unuajn premiojn en la kanto-
konkurso organizita ĉiujare
en Bydgoszcz.

Ĝi spektaklumas ankaŭ antaŭ
neesp-a publiko.

Laste la grupo preparis
novan programon, kaj se oni
deziras pli da detaloj, oni
kontaktu la gvidantinojn
Anita Nowakowska.

(Ĉu eble iuj memoras la
kelkajn -tro malmultajn
koncertojn kiujn Anita
faris, kune kun alia knabino?
Ŝi nepre devus aperi pli
ofte sur la Eaj scenejoj!)

Adreso:

Młodzieżowy Dom Kultury
Esperanto

Lampego 17 skr poczt.41

75 012 Koszalin Pollando

tel: 94-246-73-posttagmeze



Tufuene Mafuila, tio nur estas lia oficiala nomo. Sur scenejo lia nomo estas Zhou-Mack. Li aĝas 25, cetero havas saman naskiĝtagon kiel mi (30a de Aŭgusto)...

Do, laŭ orde:
li fondis kaj estras la Zairia Eo-Junularo. Fondis kaj estras la muzikensemblo "Esperanto muziko", iama "Universo" kiu ŝanĝis la nomon ĝuste por emfazi la Eĝon. La muzik-stilo de "Esperanto Muziko" estas la tiel-nomata "regeo" sed ĝi estas miksitita kun tipe afrika, ĉefe zairia tradicia muzikritmo, kiun oni nomas "ngoma" (legu same kiel en Eo). La vorto ngoma signifas tamtamo en la lingvo kikonga. Esperanto Muziko havas sufiĉe vastan repertuaron originalan, kiu estas verkita de Zhou-Mack. Antaŭnelonge, pretiĝis sonbendo kun 10 kantoj, kiu estos iel produktita, surkasede aŭ surdiske.

Esperanto Muziko profesie muzikas esperantlingve en Afriko. Sed, Zairio estante malriĉa lando, estas malfacile vivteni grupon kun 11 muzikistoj!



• **Muziko:** En Zairio aktivas minimume tri Esperantaj muzik-grupoj je duon- aŭ plene profesia nivelo. Ni jam havis okazon menci la grupon en Kisangani, sub gvido de Lufimpu Lukolama, kaj tiun en Boma, en kiu ludas Mafuila-Tunga Mavomo. Lastatempe la grupo "Universo" en Kinŝaso laŭ instigo de Tufuene Mafuila ŝanĝis sian nomon al "Esperanto-Muziko", signale la fakton, ke ĝi nun kantas plejparte en Esperanto. Ĉiuj tri grupoj deziras disvastigi sian muzikon pere de sonbendoj, kaj bonvenigas kontaktojn kun alilandaj muzikistoj. La adresoj: BP 409, Kisangani (Haut-Zaire); BP 34, Boma-II (Bas-Zaire); p/a Bonkulu-Bobandida, BP 1028, Kin-aero (Kinŝasa).

el ESPERANTO



A
F
R
/
K
O

Cefproblemo estas certe tio, ke la ensemble ne posedas proprajn elektrajn muzikilojn, kaj pro tio pagas altajn lukostojn por ĉiu koncerto. Pro tia manko da instrumentoj la grupo tro malofte sukcesas koncerti, kaj pro tio estas sen mono.

Ĉiuj muzikistoj de la bando vivas en komuna domo, E-etose kaj malriĉe.

Du aferoj estas petataj. La unua temas pri manko de surbendigilo: eble ie troviĝas registrilo kiun la grupo povus ricevi, por povi surbendigi iliajn kantojn.

La dua afero estas koncertoj. Tia muzikensemblo povus turnei kaj koncerti en aliaj landoj kaj kontinentoj, kondiĉe ke troviĝus taugaj organizantoj. La grupo atendas proponojn.

François Boulet ludis mallonge (en Zagrebo) en la grupo Amplifiki. Nuntempe li loĝas en Niamey, kaj surloke muntiĝis sufiĉe bona grupo: kelkaj eŭropanoj kun kelkaj afrikanoj ludas ĵaz-rok-muzikon.

Ludas pianon kaj fluton, Georges Makintosh, kiu iam ludis kune kun Herbie Hancock. Tre bonega drumisto-kantisto-komponisto estas Michel, la Beninano.

La aliaj kiuj provas sekvi frenezan ritmon estas François ĉe gitaro, Pip kun saksofono, Pascal kun basgitaro kaj Albert kiu ankaŭ ludas la gitaron.

Ili suferas kelkajn misadventurojn (priŝtelo, akcidento, ktp...) sed ili konsentus esperantiĝi. Kia bonŝanco, unu jam parolas kiom devas; oni nepre konvinku la aliajn, ĉar tiu-ĉi grupo aspektas tre simpatia, eĉ nur tra kasedo!

Kontakto:
François Boulet
Lycée La Fontaine BP 529
Niamey Niger



El Kinŝasa:

28jaraĝa, verkas kaj kantas rokajn kantojn en Eo. Mayoma-Diankembo bezonas iom da helpo por vendi liajn kantojn.

Aliflanke li ne havas virgajn kasedojn kaj se vi posedas nebezongatajn B.P. 152 Kinŝasa 7 vi ĉiam povas sendi. Kinŝasa/ Zairio

M i k k e

Eurokka : Mikke Englund, vi estas la gitaristo, kaj por la unua fojo, kantisto de la rokbando AMPLIFIKI. Oni scias, ke la grupo surbendigas jam kasedon antaŭ tri jaroj, kaj ĝi vendiĝis multnombro. Kial fari nun duan kasedon?

Mikke : Do, la respondo estu, kial ne! Estu kiel ni povis atendi tri jarojn por fari ĝin... Se estus laŭ nia volo ni jam post duona jaro farus duan kasedon ĉar ni de longe havis sufiĉe da kantaĵoj, sed ni ne havis la monon, aldone membroj de la grupo vivas en diversaj landoj k.t.p., malfacile aranĝi!

Eurokka : oni povas senti sufiĉe signifan ŝanĝon de la stilo inter la du kasedoj, tekstoj en la dua ja pli ofte temas pri amantoj! kiel vi klarigus tian evoluon?

Mikke : se oni rigardas kiuj verkis la kantaĵojn, de la unua kaj de la dua kasedo, oni facile rimarkas ke mi faris malpli da kantaĵoj ĉifoje ol por la antaŭa eble tio estas la kialo.

Eurokka : AMPLIFIKI havas specifaĵon: ĝi estas la sola grupo kies anoj vivas en diversaj landoj. Ĉu ĉi-tio estas avantaĝo aŭ male?

Mikke : la respondo devas esti ke "Esperanto ne konas landlimojn". Ni estas tutsimple kvin homoj kiuj kunkune ludas muzikon.

Eurokka : kion vi opinias pri la Ea rokmuziko ĝenerale?

Mikke : tio estas malfacile pripensi sed la manko estas: mi konas milojn da grupoj, kiuj kantas en la angla, la sveda... kaj mi konas eble kvin kiuj kantas en Ea. Mankas ekzemple vera blus'ludanta grupo kaj pli da aliaj muzikistiloj.

Eurokka : ĉu vi kredas ke la fakto, ke jam ekzistantaj grupoj surbendigas kasedojn, diskojn kaj koncertas instigos novajn grupojn formiĝi?

Mikke : kompreneble se ili vidas ke tio funkcias, kanti en Ea kaj fari diskon. La Eo-medio estas sufiĉe bona por disvastigi en multaj landoj la propran muzikon, ĉu per diskoj, ĉu dum koncertoj.

Mi certas ke AMPLIFIKI multe helpis al aliaj grupoj trovi la vojon.

Eurokka : oni povas kritiki tion, ke la tekstoj de rokmuzikaj kantaĵoj estas tre simplaj. Kion vi diras pri tio?

Mikke : vi pravas kaj ne pravas. Pri iuj grupoj vi ne pravas, kiuj havas preskaŭ ne kompreneblan tekstaron dum aliaj, verkas nur pri amo... ne eblas diri tro ĝenerale.

Eurokka : ĉu la dua kasedo havos sukceson?



Mikke : mi esperas eble eĉ pli ol la unua. Estas ege diversa. La kvalito estas pli bona. Nia publiko, malgranda sed tamen nia publiko espereble ŝatos ĝin.

Eurokka : ĝi tute aspektas kiel laboro en studio, male ol la antaŭa provo kiu estis surbendigado kvazaŭ de koncerto.

Mikke : povas aspekti kontraŭaĵo ke la kasedo estas studia laboro dum niaj koncertoj estas sufiĉe spontanecaj.

Mi esperas ke tamen ni povas sursceneji kaj eluzi tian praktikadon en la studio.

Eurokka : oni scivolas kiel grupo povas funkcii dum vi ĉiuj loĝas mil aŭ dumil kmjn for unu de la aliaj kaj estas malfacile ĉiuj kuniĝi. Kiel vi ekzercas la kantojn, kiel vi aranĝas la melodiojn?

Mikke : ne ridigu min. Ĉu vi mensciis la verbon ekzerci? Ni preskaŭ neniam povas. Tiu kiu verkas kantaĵon sendas sur kasedo al la aliaj (espereble), aŭ eventuale eĉ telefonas. Tamen iel tiel funkcias; kiam ni venas por koncerto, ĉiu scias kion fari. Ĝis nun funkciiis.

Eurokka : kion vi pensas pri la organizado de viaj koncertoj dum kultur-festivaloj, kongresoj, kaj aliaj? Kiel la organizantoj traktas la rokgrupon?

Mikke : Tute persone mi respondas: ni ne povas plendi. Kompreneble estas amatoroj kiuj sen iu ajn gajno, devas sammomente prizorgi multe da aliaj aferoj. Ili faras sian maksimumon.

Eurokka : en tio ke vi ludas Eajn rokkantojn, kiom da estas emo al disvastigado de Ĝo, kiom rilatas al via propra plezuro muziki?

Tio ne estas nia ĉefa celo tamen, plezuro ĉefas.

Eurokka : kiel vi sentas en la ĉiutaga vivo, ke vi ludas en Ea rokbando?

Mikke : do, mi profesie estas poŝtisto. Mi havas sufiĉe da laboro dum la tago. Mi ne havas tro da tempo por pripensi mian karieron kiel Ea gitaristo... Kelkajn semajnojn antaŭ la koncerto mi komencas pensi pri la muziko, pli kaj pli.



Mikke : mi tiom ĝuas ludi! Sed iom post iom mi ankaŭ pensas pri la perspektivoj: oni ne devas ludi nur por si mem. Mi esperas kaj kredas ke Ĝo gajnas pro tio; ĉar Eaj renkontiĝoj devas esti amuzaj kaj allogaj; mi esperas ke ni helpas fari. Pere de tio, ĉu kiu partoprenis renkontiĝon kiel novulo ĝuis kaj revenos!

Eurokka : kiel Eaj rok-grupoj povus eniri la ĝeneralan rokmuzikan vivon (do la ne-Ean)? Ĉu vi kapablas imagi tian elpaŝon?

Mikke : mi tre ŝatus. Mi vidas ĉefe malfacilaĵojn sed mi tre ŝatus.

Eurokka : via PLEJ SEKRETA deziro por AMPLIFIKI?

Mikke : multajn kasedojn, grandan sukceson en la tuta mondo.

DISKOJ, KASEDOJ, KAJ ELDONAĴOJ

KASED-RECENZO

TEAM' "ORA TEAM'"

Tiu-ĉi ora kasedo aperis jam de kelkaj monatoj, sed indas ke oni konatigu ĝin al vi.

Unue aperis diskego en la slovaka eldonita de la slovaka marko "OPUS", ŝtata marko, kaj poste LF-Koop eldonis esperantan version sur kasedo de la disko.

La bendo estis surbendigita en digita studio en Svislando.

Aŭskultante la slovakon kaj la esperantan versiojn, oni plej ŝatas la esperantan, eĉ se oni estas ne-esperantisto.

La versio en Eo pli bonsonas, tamen la kovraĵo de la slovaka versio pli belaspektas ol la alia; ĝi multe pli rokaspektas.

La Ea rokmuzika kasedo enhavas kvin pecojn sur ambaŭ flankoj. La muzikojn komponis la muzikistoj de Team'.

La esperantaj tekstoj verkis Perla Martinelli kaj Georgo Silfer de LF-Koop.

Oni povas taksi la rokmuzikon de Team' kiel melodia roko; io inter metal-roko kaj radio-rokmuziko (usona aŭ angle-kantata muziko daŭre dissendata de la okcidentaj radio-stacioj pro ĝia facila-komerca aŭdo. Ekzemplo estas la rok-bando Europe).

El tiu-ĉi kasedo elstaras kvar pecoj:

"Reklamo al silento", kun vigla gitar-sono, kies teksto temas pri la ĉiutaga slovaka vivo proksimas al kvietaj metal-roko.

Laŭ la sama vojo sekvas "Via eta timo" enkondukita per klavaro, kaj profunda drumado reliefigita per gitar-solo.

Inter versoj de kvazaŭ am-teksto aperas viglaj klavar' kaj gitar' soloj.

Granda melodia momento alvenas kun "Sur sama ŝipo".

Kortuŝa peco, en kiu ĉiu povas retrovi sin mem. Ne eblas ĝin aŭskulti sen sekvi kaj kun-kanteti la refrenon.



Kaj tuj poste, la ĉarmon
rompas "L'eta ŝtormo
nokta", donante la emon
batali en la mallumo.

"En kaĉ" (alia titolo),
ni ĉiuj estas por la
amo, sed ne nur por
tio.

La tekstoj de Team'
volonte temas pri
amo, kaj laŭ mi, ne
sufiĉe pri la realeco.
Oni ne devas forgesi
ke rokmuziko naskiĝis
de ribelo kaj kontesto.

Ora Team': bona kasedo,
bonkvalita, bonsona,

far spertaj kaj
profesiaj muzikistoj.

Sed mi starigas deman-
dojn:

-Kial ili kantas espe-
rante ?

ĉu pro ilia manaĝero
Stano Marček ? (li
estas aliflanke konata
esperantisto)
ĉu pro io alia ?
ĉu iam ili fariĝos
esperantistoj ?

-Ĉu ili daŭrigos
produktante Eo-rok-
muzikon ?

Mistero en la Eo rok-
kulturo, ĉu ne ?

Povas esti ke la
respondo kuŝas en la
unua kanto de la kasedo
"Volas ni":

-"Ni ne volas multon,
nur la Mondon !"



FLO

La fuŝaventuroj



de kjacko misull



el ĉka efo no 11
eldonas SEPTE

SERIOZE

La LINGVOUZO ROKA

"Popo estas tutmonda termino, sed ĝia senco tre varias de homo al homo. Vi uzu la vorton laŭ via senco. Vi povas ankaŭ uzi la esprimon "slagromuziko", ekzemple por Sinatra. "Varieteeo" ne taŭgas, devus esti "varietea muziko".

Povus evolui pli fiksitaj sencoj de vortoj kiel popo, roko ktp.

Mi uzas "folklora roko" ĉar mi ne volas proponi tro da novaj radikoj. Jam "roko" estas nova vorto. "folkroko" estus ankoraŭ unu. Eo estas lingvo, kiu profitas el multa uzo de kunmetoj -tial "folklora roko" ĉar folkloro jam ekzistas. Sed se vi volas mallongigi "folklora roko" al "folkroko" mi ne protestos.

Pri ŝtonroko mi diras same, kiel pri popo: uzu la vorton laŭ difino, kiu plaĉas al vi. Mi formis la terminon analogie kun "metalroko" (metalo estas pli malmola ol ŝtono), kaj la vortludoj eblaj kun roko ŝtono kaj metalo (kiam venos la diamantroko?) tre plaĉas al mi.

Tamen "hardroko" estas tute bona alternativo. Rimarku, ke la verbo hardi jam havas senco en Eo, kiu tre taŭgas por la vorto hardroko!

Sinonimoj, sinonimoj!

(El letero de Bertilo
al Floreal)

Pli kaj pli la rokmuziko finfine eniras nian movadon. Sed ni ĉiuj verŝajne konscias, ke ĝi ne estas la plej forte bezonata sfero de la uzo de Eo. Tamen, ni Eo-parolantoj intertempe vere sektiĝis ne nur pro la specifaj ritoj sed pro la ĝenerala malfermiteco rilate al la socioj. Simple multaj sobraj, eĉ ne altkulture pretendaj homoj kabeĝadis perdante la senco plue okupiĝi pri Eo. La proponaro de Eo-movado al la socioj estas plu malampleksa, multaj ne trovas utiligeblecon de Eo aŭ ne havas forton protekti sin kontraŭ la moko. Tial des pli mi subtenas rokon en Eo, ĉar ĝi ne nur plenumas la taskon doni amuzon, sed ankaŭ fojfoje komunikas ion, kio estas komuna por multaj aŭskultantoj. Alivorte do la roko plenumas la bezonon agi grupe, are, kiu tiom forte sentebblas en la aĝo de dekkalkaj jaroj...

Venis al mia kapo eventuale utiligi videokasedon de iu Ea rokmuzika koncerto -eĉ amatornivele registrita- kiun ni aŭ organizantoj de iu Ea aranĝo povus pruntepreni kaj per ĝi demonstri.

Andrzej Broda
ul. Jedności Narodowej 1-3/
39

PL-76-100 Ślawnko Pollando

"Nun ni kontrolos vian konjektemon", diris al mi mia kunparolanto kaj enŝaltis la magnetofonon. Tuj aperis la son-ondo de la afabla nuntempa muziko. Despli atente mi aŭskultis ĝin, despli multe mi turnis mian atenton al la tekstoj, kiuj plej multe plaĉis al mi kaj pli kaj pli mirigis min; la lingvo de la kantoj ŝajnis al mi tre neordinara. Mi tuj rimarkis la mirindan interplektilon de anglaj, italaj, hispanaj vortoj; Hazarde mi ekkonjektis; Esperanto!

Skribis en la ukraina
Anatolij Metvijčuk
Tradukis kaj sendis
Orest Furikevich
USSR 284000
Ivano-frankovsk
Po Box 225

"BEST" estas ne malgrava gazeto pri rokmuziko, kiu aperas en tuta Francio, ĉiunmonate, pli-malpli 120 000 ekzemplero. Do imagu, ke ni furioze ĝojis vidi en ĝi la anoncon pri EUROKKA, kiun Fio kunamo kaj pacienco sendis al amaso da gazetoj tiatipaj en la mondo! Ĉe se ĝi estas ne tro granda, aperas la nomoj de la grupoj kaj la klarigo, ke Ĝo estas internacia lingvo. La poloj ne primoku, en Francio oni devas precizigi tion.

3a KEF en Svedio 24-27.05.90

Jam la 3an fojon okazos la Kultura Esperanto-Festivalo — ĉi-foje en Västerås en Svedio. Västerås estas mezgranda kaj malnova urbo situanta ĉirkaŭ 100 km nord-okcidente de Stokholmo. La organizantoj antaŭvidas varian kaj kvalitan programon. Teatro, literaturo/poezio, muziko/kanto, prelegoj ktp. havos sian lokon dum KEF 3! Tamen proponoj pri programeroj estas ankoraŭ tre bonvenaj.

Se vi interesiĝas pri partopreno (aŭ se vi volas kontribui al la programo), skribu al Kultura Esperanto-Festivalo 3, Brunnsgatan 21, S-111 38 Stokholm, Svedio, kaj vi ricevos informojn kaj aligilon, kiam ili estos pretaj.

TUTE NE GRAVAS

KIEL TUTCERTE FUSI KONCERTON

Nu, vi deziras sukcesi bone fuŝon de koncerto, rok-koncerto dum renkontiĝo aŭ festivalo.

Tio estas tre facila! La plej efika, ĉar ne kontraŭebla vojo estas lui aĉegan sonsistemon por la koncerto. La plej profesia grupo, se devas ludi tra malnovaj ruinoj kiel amplifiloj sonos kvazaŭ ensemblo da patoj.

Vi ankaŭ povas dungi anstataŭ valoran kapablan teknikiston, la plej idiotan klubanon, kiu prefere eĉ ne unufoje havu rigardon al la aparataro antaŭe. Sonmaterialo similas al komputilo en tio ke, se ne estas bona persono por funkciigi ĝin, ĝi montriĝas senvalora.

Notu bone ke, vi eĉ aldone povas perdi monon de via asocio.

Tio ankaŭ estas tre simpla. Se via asocio organizas ĉiujare renkontiĝon, tiam ĉiujare iuj ŝvitais por povi rezervi kaj lui la sonsistemon.

Vi nepre ne avertu ilin, ke lui 3/4-foje tion estas jam pli koste ol simple aĉeti mikrofonojn, amplifilojn kaj sonmiksilon ne malbona, kion ĉion oni povas stoki en la klubo kaj lui al aliaj asocioj, dum oni ne mem uzas.

Simile, vi devas eviti disponigi al ili lokon aŭ ekzercejon por la trejnado. Tiam ili devos ekzerci en la dormoĉambro, kie tutcerate ili detruos la elektriĉkajojn kaj vekos la apude dormantajn kunulojn.

Vi ankaŭ povas plani la koncerton ekstere, specife dum malvarma vetero certas, sen averti la najbarojn, kaj estos tre amuze vidi la muzikistojn frostigi sur la scenejo dum polico interrompas perforte.

Alternativo estas koncerto en tro malgranda salono kie ne eblas movigi nek danci, kun popolamaso ĉe la enirejo kiu grumbblas ke vidas nenion. Aŭ metu amasegon da seĝoj en la koncertejo, tiel ke la publiko estu sufiĉe ĝenata, kaj por sidi, kaj por stari.



Zorgu atente pri la sonkvalito en la koncertejo. Se estas resonoj, plej bone. Bona kontrolo estas ludigi vian plej ŝatatan diskon sur simpla diskoludilo tre laŭte. Se vi ne povas rekonigi la muzikon, la ŝalono kongruas kun la celo fuŝi koncerton.

Alia sufiĉe bona solvo estas inviti tiajn grupojn (Internacia orkestro, Internacia koruso, Amplifiki), kiuj povas preskaŭ nur ekzerci dum renkontigoj, tage kaj nokte antaŭ la koncerto, kaj plani la koncerton unu tagon post la komenco de la renkontigo. Kaj se ili petas veni 2-3 tagojn pli frue por ekzerci, vi nepre rifuzu.

Ankoraŭ eblas aranĝi iun laborgrupon aŭ teatraĵon tuj antaŭ la koncerto; tiam ne eblas fari bone la sonprovon, kaj vi jes bone sciigas ke sonprovo povas daŭri ĝis 3-4 horojn. Plej ĝuindas tio, se la publiko jam eniris la koncertejon dum la grupo ankoraŭ sonprovas. Vi sendube certas ke duono de la ĉeestantaro fuĝos sen reveno.

Lastaj konsiloj; ne ludigu la grupon antaŭ neesperantistoj, ĉar estas du riskoj: varbi novajn E-ojn gajni monon (se en klubo aŭ koncert-kafejo)



Anoncu la koncerton nur unu tagon antaŭe aŭ eĉ pli malfrue; Kaj finfine, NENIAM repagu la kostojn de la grupo, tio estas senŝancaĵo, ĉar se vi ne observos tiun-ĉi lastan regulon:
-venos el oriento amaso da bonaj grupoj kiujn oni ankoraŭ ne konas
-eĉ el afriko ili povus vojaĝi, kaj fari grandiozan spektaklon (hororo)
-venus tiaj grupoj kiujn konsistigas malriĉuloj kaj studentoj.....
Kaj anstataŭ ol aŭfronti ĝis nun relative malmulte da bandoj, vi devus elekti inter dekoj da!

KONCERTOJ, FESTIVALOJ KAJ KUNVENOJ

La 18an kaj la 19an de Novembro 1989 okazis la sesa Internacia Kultura Esperanto-Festivalo en la kulturdomo de Issy-Les-Moulineaux ĉe Parizo, organizita de la Unuigo Franca por Esperanto, franca sekcio de UEA.

La programo komenciĝis sabate kun franca kantisto Jak le Puil. Humorajn kaj protestajn kantojn konatajn kaj ankau tute novajn kantojn (pri Ĉinio kaj okazaĵoj en la orientaj landoj) li prezentis dum unu horo. La lasta kanto kiun li prezentis kune kun la pola kantisto Georgo Handzik memorigis al la ĉeestantaro, bedaŭrinde plejparte maljuna la Varsovian Universalan Kongreson okazinta en 87.

Sekvis Georgo Handzik sola kantante simpatie.

Georgo ŝajnas al mi esti poeto, pli ol muzikisto, kun interesaj tekstoj, ironiante pri orientaj politikajoj, libereco kaj premoj ĉiam akompanata de plaĉa gitar-muziko. Tamen mankis vigleco, perforteco kaj akreco en la voĉo kaj muziko dum li kantis pri kio okazis sur la placo Tian'anmen en Pekino, en Pollando kaj en Ĉeĥoslovakio.

Ne eblus al mi resti tiom trankvila kaj simpatia. Se georgo sukcesus akriĝi sin mem kaj doni pli da sento al kelkaj el siaj kantoj tiam li sukcesus vigligi sian koncerton; fakte la hora koncerto estis tro monotona laŭ mia plaĉo.

Post paŭzeto sur-scene aperis Jomo, "La Fuĝinto el Alkatraz", kiu estas krome kantisto de la Tuluza grupo "La Rozmariaj Beboj".

Ekde la unua kanto li vekis ĉiujn kaj subite hazarde mi povis vidi ĝejnulojn inter la ĉeestantoj. Jomo havas varian repertuaron, kun kantoj kaj muzikoj de la sesdekaj jaroj, ludataj kaj kantataj rokmaniere.

Verŝajne pro tio, li havis sukceson kaj ĉiuj spektantoj ŝatis tiun novan manieron kanti kaj gitar-ludi (nova por esperantistoj memkompreneble).

Kvankam li estas nova esperantisto kaj kelkfoje -eĉ ofte eraras pri akuzativo kaj aliaj Eo-gramatikajoj, lia talento estas bone aprezata, eĉ ĉe la maljunularo!

Vespere, ekis koncerto de la nederlanda Folk-bando "Kajto". Ĉiam pli kaj pli profesia la bando konsistas el tri kantistinoj kaj unu kantisto kiuj ĉiuj ludas per tradiciaj muzikiloj. Ili donacis vigan vivantan spektaklon en kiu ĉiuj spektantoj mem partoprenis, akompanante ilin.



JOMO

Plezuro kaj ĝojo aperis
sur la vizaĝoj pro tiom
ĉarma muzik-kultura
vespero.

Dimanĉe inter du teatraĵoj
kantis Aaron, unu el La
Mondanoj el Berlino,
akompanante sin per brazila
muziko.

Li brazilumis originale en
Esperanto. Cetere, li jam
surbendigis kasedon kune
kun brazilaj profesiaj
muzikistoj en Rio de Janeiro

Bonegaj kantoj brazilaj
sed tamen mi plej ŝatus
vidi tutan muzik-bandon,
kiu estus multe pli
vivanta kaj ritmo-plena
anstataŭ kantisto nur
kun registrita bendo.
Ĉiukaze, mi tre konsilas
al vi auskulti lian
bonegan kasedon.

Por bone fini la
programon de la festi-
valo, koncertis Roman
Bura, konata pola, juna
kantisto, kiu akompanas
sin per la gitaro; iom
bluse kaj svinge kun
akraj, amaj kaj ironiaj
subversaj kantoj.
Tre taŭgas lia voĉo por
tia kantostilo, sed oni
ja bedaŭras ke li ne
havas aliajn muzikistojn
kiu pliriĉigus kaj re-
liefigus tiujn origina-
lajn verkojn.

Jen alvenas la fino de
la festivalo kiu havis
tre interesajn momentojn.
Sufiĉe da publiko venis
sed mi atendis ke estus
ankoraŭ pli, kaj ĉefe
pli da gejunuloj; ĉu
eble venontjare...



La organizantoj faris
ĉion kion ili povis,
per malgrandaj rimedoj,
oni povas sincere gratu-
li ilin.

Tamen mankas, kiel plej
ofte en la Eaj arangoj,
taŭga sonsistemo kun
profesia teknikisto,
kaj tiu-ĉi manko ĉiam
malhelpas al la prezen-
taĵoj esti pli altkva-
litaĵ. Ĉu venontjare ?

Esperanto bezonas ĉi-
tion.



FLO

Voljŝkija Eo-klubo
"Samideanoj" organizas
internacian festivalon
de Eo-arto "EOLA 90",
kiu okazos en Voljŝkijo
(je 16 kmj de la urbo
Volgogrado), de la 2a
de Ma) o 90 ĝis la 9a.

La festivalo estos tre
granda evento en Sovetio
kaj ĝin partoprenos re-
prezentantoj de la
soveta televido, de la
landa kaj regiona pre-
saro, de la Volgogradaj
televido kaj radio.

La muzika parto de la
programo estas ambicia.
Koncertos la fama, eĉ
famega Internacia
Klasika Eo-ĥoro. Nu,
se ankau vi deziras
kunkanti en la koruso
vi povas skribi por
ricevi la partiturojn!
Sed estis invitataj
(oni atendas firmajn
respondojn) rokbandoj
Eaj kiel Team, Persone
kaj Amplifiki.
Kompreneble multaj
sovetaj artistoj sin
montrigos, kaj tio eble
estas la plej interesa
afero. Audeblas klaĉoj
kaj eĉ foje kasedoj
pri kaj de rokbandoj
sovetaj.

Sed, la kasedo devas
resti sekreta, la
klaĉoj mallautas kaj
kio pri koncertoj?
Ni tre esperas ke tiu-
ĉi festivalo estos LA
okazo malkovri tiun
tiam furorantan (en
okcidento despli)
sovetan rokmuzikon!

Kontaktu
ESperanto-EOLA
ab. ja. 73
u. VOLJŜKIJ 30
Volgogradskaja obl.
USSR 404130



TEKSTO KAJ MUZIK'

T.LOVE estas unu el
la plej popularaj
polaj rokbandoj.
Artur Lesniewicz
sendis tradukojn de
iliaj tekstoj, vere
belaj kaj emociigaj.
Jen unu el ili, en kiu
oni povas senti, kiel
plejparte en la polaj
rokkantoj, pri la
malhela flanko de la
vivo en Pollando.

To wychowanie/
Tio estas eduko

Mi dankas panjon kaj patron pro protekto
Pro familia varmeco kaj kvereloj dum vespermanĝo.
Mi dankas la lernejon pro unuaj kontaktoj
Pro sovagaj ferioj kaj nervozigoj en necesejo.

Refreno
Patrujon oni devas ami kaj estimi,
Ne treti sur flagon kaj ne kraĉi al emblemo.
Oni devas ankoraŭ en io kredi kaj fidi,
Patrujon ami kaj ne kraĉi al emblemo.

Al knabino
Saluton, kien fuĝas vi, kaŝiĝu sub mia ombrelo,
Tiel forte pluvas kaj malsekas ĉie.
Vi strange indignita respondas, "oni ne rajtas"
Retiriĝas siaflanke, ĉar tiel vin ili edukis.

Al mi ŝajnas, ke vi estas ie malproksime,
Tion oni nur ŝajnigas, ĉar vi ne vere tiom estas.
Mi tiom volus, ke vi freneziĝu,
Mi tiom volus, sed tiel vin ili edukis.

Sendis Artur Lesniewicz
ul Rymarska 2/1
PL-64-920 Pila Pollando



ROKMUZIKA RETO

Jurij Pasečnikov
okupiĝas pri eldonado
de Eaj kantaretoj, kaj
revas tion fari kun
ĉiuj kantoj.
Li bezonas; tekston,
notojn, gitarakordojn!

Jurij Viktoroviĉ Pasečnikov
Abonkesto 873
Tomsk 12 SU-634012 Sovetunio



Riitta Pulli
estas aktivulino
en la Finna Eo-junu-
laro.

Riitta Pulli
Kulkulstie 3B14
SF-36240 Kangasala
Finlando

Delci Cipriani
ege laboras por Eo,
interalie estras radio
programon, ĉe univer-
sitata radio. Sendu
muzikojn.

Delci Cipriani
Rua valentin Fernandes 62
97050 Santa Maria
R.S. Brazilo.

Vladimir Dvorak
estras la ĉeĥan Eo-
junularon, kiu inter
multaj aliaj aranĝoj
aranĝas IMUR (la
internacia muzika
renkontiĝo).
Li celas ke IMUR es-
tiĝu pleje internacia.

Vladimir Dvorak
Junulara Sekcio
de la Ĉeĥa Eo-asocio
Jilska 10
CS-110 01 Praha 1



Timur Aliev
emas ricevi ĉe la Eo
centro, kies vic-prez.
li estas, novaĵojn pri
rokmuziko, afiŝojn ktp...
Aliflanke, la centro
okazigas Eo-tendaron
en Junio-Julio, kaj
invitas Eurokk-anojn
aliĝi.
Cetere, li estas 26jara
komputilisto kaj ŝatatas
Eo, muziko, vojaĝoj...

Timur Aliev
USSR, SU-367002 Maŝaĉkala
Markova 64-8

Josef Sučik
EUROKKA peranto Orientaj Landoj
Masna 9
CS-70200 Ostrava 1
Ĉeĥoslovakio.

Liisa Heikkinheimo
aktive muzikas en
studenta ĥoro, do
ŝi estas kantana persono.


Liisa Heikkinheimo
Mäkelänrinne 5A707
SF-00350 Helsinki
Finlando



Roman Herman
deziras helpi al pro-
pagando de la rokmuziko
ĉe esperantistoj.
Li estas 19jaraĝa, tre
aktiva en la Eomedio
kaj nature, granda fa-
voranto de la rokmuziko.

Roman Herman
Pod. Koupalistem 730
CS-293 06 Mlada
Boleslav 6

Ĉeĥoslovakio.



Oleg Pavlov
nome de la redakcio de
la revuo "Severok",
kiu priskribas okci-
dentan rokmuzikon, petegas
materialon ne nur pri la
Ea rokmuziko sed ankaŭ
pri rokmuziko angle,
france aŭ germane.
Li ankaŭ proponas oka-
zigi koncertojn laŭ sen-
deviza interŝanĝo;
organizantoj en Sovet-
unio arangas koncerton
kaj loĝigas la invititan
bandon, dum alia orga-
nizanto en okcidento
faras la samon por
soveta rokbando. La
grupoj kiuj koncertas
povas ankaŭ esti ne-Ea!

Oleg Pavlov
Vinogradova 121-3 K 50
SU-1630001 Arĥangelsk
USSR.

Neil Mac-Killigin
opiniis ke turneo de
Ea rokmuzika grupo en
Britujo, por ĝenerala
publiko, estus grandioza
varbilo por nia lingvo.
Laŭ li Amplifiki aŭ
Persone estus sufiĉe
altkvalitaj por fari
turneon komerce en Bri-
tujo, eble kiel grupo
kiu "subtenas" bonkona-
tan grupon por varmigi
la aŭdantaron ktp...
Li kontaktas organizojn
kiuj povus helpi financ

Neil Mac-Killigin
68 Rose Hill
Oxford
OX4 4HS
Anglio.

George Kamačo
preparas analizon de
kelkaj kantoj de la grupo
Persone.

George Kamačo
Väikkylä 2 C 311
SF-90100 Oulu
Finlando

Ewa Woźczyk
estas 20jara liceanino.
Ŝi ŝatas rokmuzikon,
pop- kaj jazmuzikon
ankaŭ. Ŝi interesiĝas
pri aĉeto kaj interŝanĝo
de kasedoj.

Ewa Woźczyk
ul.26 Marca 27/31
44300 Wodzisław sl
Pollando

Altadill
estas vendejo de diskoj
kasedoj kaj aliaj
muzikaĵoj, kiu esperas
vendi ankaŭ niajn rok-
muzikaĵojn.
Oni ankaŭ demandas pri
la kladco, ĉu la muzi-
kisto Alan Stivell
estas esperantisto??
Kiu scias??

ALTADILL
Berenguer IV,23
Tortosa (Tarragona) 43500
Hispanio



Jens-Petter Hansen
redaktas la nordian
junulgazeton "Kvinpinto".
Li bonvenigas recenzojn,
artikolojn...

Jens-Petter Hansen
Kvinpinto
PB 6
SF-01651 Vanda
Finlando

Eo-Klubo KOKO
eldonas gazeton, kiu
pritraktas kulturajn
temojn; do recenzoj
kaj intervjuoj de
grupoj bonvenus.
Pensu ankaŭ pri fotoj
ankaŭ por ROK-GAZET'

„KOKO”
B. Markaĉa 1
YU-43350 ĐURĐEVAC
Jugoslavio

Tiu-ĉi bonega desegnaĵo
kiel du-tri aliaj en
ROK-GAZET' venas el iu
provizore dormanta tre
malgranda gazeteto no-
nomita Eka Eho, farita
de Jolo. Jolo, espereble
konsentos kaj daŭrigi
kun Eka Eho (nur aperis
2 numeroj, ĝi estas ja
tempaltempa revuo),
kaj desegni por ROK-
GAZET'.

Anna Margareta Ritamäki
arangas la kvinpintan
semajnon, renkontiĝo
kiu ŝajne estos unu el la
plej rokecaj, kun kelkaj
koncertoj kaj ĉeestoj kiuj
gojigos la flankubanojn.

Anna Margareta Ritamäki
Peltolavägen 6 B 36
SF-20720 Åbo
Finlando

Max Wearing
 estras junulgrupon en
 la universitato de
 Adelaide.
 La ĝejnulojn tre inter-
 esas kasedoj kun
 presitaj tekstoj ktp...
 Li kontaktas kun iu
 junulo, kiu havas pro-
 pran studion, en kiu
 li surbendigas la kan-
 tojn de lokaj grupoj.
 Unu el ili estas grek-
 aŭstralia, alia abori-
 gena.
 Ekster Aŭstralio la
 ĝejnuloj havas ja
 grandan scivolemon
 pri la aborigenoj.
 Muziko estas ĝusta
 politika mesaĝo por
 transdoni.

Max Wearing
 30 Westbury Street
 Hackney SA 5069
 Aŭstralio

Janusz Motykiewicz
 multe laboras kun junu-
 laro kaj havas junula-
 rajn hobiajn; muzikon,
 turismon, babiladon...
 Li proponas interesan-
 ĝon de surbendigitaj
 kasedoj de Eaj rok-
 grupoj kontraŭ Eo-libroj
 aŭ polaj kasedoj kaj
 diskoj, aliaj aĵoj.
 Li aktivas por disvas-
 tigo de la agado de
 Eurokka.

Janusz Motykiewicz
 PL-67-240 Kotla
 Pollando.

Andrej Ananjin
 estas grava homo en la
 Eaj junularo.
 Listo de liaj postenoj
 estus tro longa!
 Sed li interesigas pri
 Eurokka.

Andrej Ananjin
 Taŝtagol SU-652970
 Kemerovskaja obl.
 Junulara Eo-centro
 Sovetio

Tatjana Kriger
 estras klubon en la
 urbo Jalta.
 Ŝi proponas interesajn
 rokgrupojn aŭ aliajn
 artistojn. Ŝi povas
 sendi bonajn sovetajn
 rokgrupojn kiuj jam
 sukcese koncertis en
 Italio, Nederlando ktp..

Tatjana Kriger
 Esperanto-Klubo
 "Verda Haveno"
 O. Pjatkovskij
 Str. K. Marksa 7
 SU-334200 Jalta
 USSR.

Manoel Blaz Garcia
 respondecas pri ĉi tiu
 Eaj programo en la radio
 kaj li CERTE interesig-
 os disaŭdigi muzikon.
 Do sendu kontribuojn.

Manoel Blaz Garcia
 Respondeculo pri Radio-programo
 Sorokaba Eo-klubo
 Rua da Penha 455
 Cx Postal 234
 BR 18001 Sorocaba (SP)
 Brazilo

AMPLIFIKI

UNUA FLANKO
 1. NUR PRO LA AM
 2. ESTAS TIEL
 3. NACIA FRONTO
 4. MI NE VOLAS

DUA FLANKO
 1. MI NE AMAS VIN
 2. DARIO
 3. NUNIRAS MI FOR
 4. LA ARBAR

ESPERANTO NE KONAS
 LANDLIMOJN

AMPLIFIKI

ESPERANTO NE KONAS LANDLIMOJN



ARTA LABORO; DIANA.

LUDAS:

ALINE: Kanto kaj klavar'
 ISABELLE: Kanto
 MICKE: Gitar'
 PER-OLA: Kanto kaj
 saksofon'
 MARC: Bano

KANTAJO VERKITAJ DE:

MICKE: A1, A4
 ALINE kaj MICKE: B3
 MICKE kaj BERTILO: B2
 ALINE kaj ISABELLE: A2, A4,
 B1, B4

Kasedo farita en Tuluso Francio,
 novembro -89. Tre diligente kaj
 bankore teknikistumis Pierrot. Dankon.
 Jomo gastigis. Dankon.
 Mimi servis manĝaĵon. Dankon.

PRODUKTITA DE AMPLIFIKI.

Dmitrij Lisenko
zorgas pri la Tut-
sovetia Festivalo de
Eo-arto "Eola 90".
(vidu alian artikolon).

Dmitrij Lisenko
Eo-klubo
Dvorec Kulturi "Oktjabrj"
u. Voljskij 30
Vologradskaja obl.
USSR 404130

◆ ◆ ◆
Atilio Orellana-Rojas
pro tio ke muziko
estas vere kaj kons-
tante ŝatata de ni,
la gejunuloj, intere-
sigas pri la laboro
de EUROKKA. Li prezi-
das la Ean junulgrupon
de sia urbo, kaj ili
atendas informojn pri
la Ea rokmuziko.

Atilio Orellana-Rojas
C.C. Nro 1428
RA-5000 Corodoba
Argentino

◆ ◆ ◆
Jean-François Blin
proponas krei spektaklon,
prezenti rokgrupon aŭ
kantiston en la Eocentro.

Blin J. François
17 rue du Saucy
Bonnard
F-89400 Migennes
Francio

⊙ Ela Malik
estas tre ĉarma.
Krom tio ŝi energie
organizas ĉiujare (?)
Artajn Konfrontojn en
Eo (ARKONES).
ARKONES povus esti
unu el la revelaciaj
art-arangoj, kiuj
permesos al la Ea
rokmuziko eksplodi.
Nepre oni kontaktu
ŝin, kiel jam skribite
ŝi estas tre simpatia!

IXa Artaj Konfrontoj en Esperanto

(ARKONES '90), Poznań

19.-21.10.


Kultura Esperanto-Centro "Orbita",
os. Kosmonautów 118,
PL-61-461 Poznań

Vilnius Radio Esperanto
prezentis Eurokkan dum
sia elsendo, kaj grupojn
sial elsendo, kaj grupojn
kiel Kajto kaj Rob de Nijs
(nederlanda kantisto).
La Ea elsendo estas 4
minutoj dufoje semajne
pri ĉiuj aktualaĵoj.

⊙ Vilnius Radio
Esperanto
Litovio USSR

★ ★ ★
Marcelo Montenegro
estas junulo el la
provinco Bonaerio (
Buenos Aires). Bonaerio
estas la lulilo de roko
en Argentino. Argentino
havas ege fortan rok-
movadon, oni eĉ nuntempe
eksportas.

Marcelo Montenegro
Luis Braille 553
RA-1888 Florencio Varela (BA)
Argentino



Fino Margaret Wilton
de longe ne plu ŝatas
rok-muzikon! Pop-muziko
ja havis tian rolon
dum ŝia juneco.
En Britujo, homoj kiuj
laboras en ĉiuj branĉoj
de la spektakla komerca
industrio vojaĝas tra
la mondo sen ion scii pri
nia internacia lingvo;
Ŝi aktivas en informado
pri Eo al tiu-ĉi medio.
Ŝi kontaktis interalie
kant-kvaropon Kantabile
kiuj kantas klasike kaj
popmuzike, ili favorus
kanti en Eo.



Cantabile (aŭ Kantabile se
se ili ekkantos en Eo)
kanrokvaropo, kun ege
diversaj kantospecoj,
kiuj kantas jam en multaj
lingvoj, kaj eble iam
en Eo. Por tio laboras
Margaret

Margaret Wilton
35 Branchton Road,
Greenock,
Renfrewshire
PA16 0XT
Scotland /Britio.



CANTABILE

THE HOLY LODD PRODUCTION COMPANY
First Floor, 77 St. George's Square, London, SW1 England
Tel 01 830 5302

Przemek Grzybowski
akceptigas ĉe la pola
radio en Bydgoszcz kaj
en tri studentaj radio
stacioj regionaj. Do li
povas diskonigi al duono
de Pollando Eurokkan
kaj muzikon.
Ankaŭ li emas verki
por Rok'Gazet'. Li
estas BONVENA !

Przemek Grzybowski
Poŝtkesto 23,
PL-85-149 Bydgoszcz 39
Pollando.



Abaddon (Pl.)

Hanna Hjelt;
= knabino kiun
ROKO tre interesas !
Hanna Hjelt
St alarmsgatan 34DB
SF-20810 Åbo

Wang Jiong Wai
povas informi pri
ĉina rokmuziko sed ne
konas Ean rokgrupon.
Nun en Ĉinio ne ekzistas.

Li estas 21jaraĝa, kaj
aŭskultas rokmuzikon
almenaŭ 1 horon ĉiutage.
Li preskaŭ frenezigas
pro rokmuziko!


Wang Giong Wai
55a Hao 799a Lon
Tiang Tong Lu
Shanghai 2000 85
Ĉinio

LA DISKETO DE LA 90-aj jaroj !

Entute 4 pecoj da rokmuziko !

AMPLIFIKI,
LA ROZMARIAJ BEBOJ
KAJ.....EUROKKA
PREZENTAS AL VI

Viniflasmo



Prezoj (1 disketo + Sendo-kostoj) :

- Eùropa Komunumo = 29FF aù 9 IRK (Internaciaj Respond-Kuponoj)
- Aliaj Eùropaj Landoj = 31FF aù 10 IRK
- Ameriko, Afriko, Azio = 37FF aù 12 IRK
- Oceanio, Japanio = 40FF aù 13 IRK

Mendu ĉe EUROKKA